

KERATAN AKHBAR  
(Bahagian Canselori)

Surat khabar: Utusan Sarawak (Sada Sarawak)  
Hari/Tarikh: 15/12/2016  
Muka surat: S4

Tajuk : 130 raban SISPA UNIMAS dirami

## 130 raban SISPA UNIMAS dirami

**LUNDU:** Kor Siswa Siswi Pertahanan Awam (SISPA) Universiti Malaysia Sarawak (UNIMAS) ngena inisiatif ngerapitka kaul enggau pangan diri kelimpah ari nambahka pengeliat ati ngena program Hari Ruang Bilik.

Pemesai Ngetanka Mensia Mayuh Pelilih Betong, Azamsah Apearal madahka, Hari Ruang Bilik Kor SISPA UNIMAS ke sekali tu disereta urung 130 iku raban ari skuad junior, inter enggau senior.

"Kami meri tabi puji ketegal udah mujur ngatur program ke baka tu laban iya beguna amat

dikena ngerapitka kaul entara pangan diri nyengkaum trainer.

"Ngena peluang tu aku ngaluka penatai raban ruang bilik baru iya nya skuad junior Kor SISPA UNIMAS.

"Iya meri penemu enggau peneleba lebih tumu ngagai sida iya sererta ulih nempa kaul ke manah nyadi siti tim iya nya Kor SISPA UNIMAS," ku iya.

Iya mansutka jaku munyi nya lebuh ngarika Kaban Kunsil Negeri (ADUN) Saribas, Lettenan Kolonel Bersekutu Mohd. Razi Sitam maya bejadi Program Hari Ruang Bilik Kor SISPA

UNIMAS 2016 ke diatur ba Tebing Tasik Pandan kena Hari Dua ke udah.

Ku iya, laban sida iya nyadi raban ruang bilik baru, udah tentu sekeda ari sida nya bedau ngelala pangan diri lebih semak.

"Kebuah baka nya laban sida iya enda sebaka kus, fakulti enggau semester ke sama. Nya kebuah ditu meh peluang dikena nempa kaul ke manah taja ba enda sebaka kus, fakulti sereta semester ke enda sebaka," ku iya.

Ku iya, lebuh ngasaika pengaga diri nyereta Hari Ruang Bilik bala sida nya mega diansah ari aspek fizikal enggau mental dikena nentuka sida iya sikal.

"Kami ngasaika nya siti program ke setimbang laban mayuh bengkah aktiviti ka diatur mujur ngasuh sida iya bisa pengeras ati ngaga pengawa.

"Progam tu mega ulih ngasuh sida iya ngembuan runding nyadi siti tim raban Kor SISPA UNIMAS," ku iya.

Azamsah ke ngarika Lettenan Kolonel Mohd. Razi Sitam nyuka bantu ngagai Kor SISPA UNIMAS.

Program Hari Ruang Bilik Kor SISPA UNIMAS ke diatur sehari

aja diisi enggau mayuh bengkah aktiviti baka dodgeball, volleyball, bebatak tali enggau main ke bukai. Sama bisa enggau nyereta program nya Pemesai Nyempulang, Nurul Nikmah Abu Samah.

**TERIMA KASIH ...** Azamsah Apearal ke ngarika Lettenan Kolonel Mohd. Razi Sitam nyuka tulung ngagai Kor SISPA UNIMAS maya program Hari Ruang Bilik Kor SISPA UNIMAS 2016 ke diatur ba Tebing Tasik Pandan kena Hari Dua ke udah.



**TABI PUJI ...** Azamsah Apearal nyuka perais hamper ngagai tim ke menang ba mayuh bengkah pekit.



**NYADIKA PENGINGAT ...** Sekeda ari raban SISPA UNIMAS ke nyereta Hari Ruang Bilik Kor SISPA UNIMAS 2016 begambar beraban nyadika pengingat.